

Jasna Duraković

Zastupnica SDP BiH

Skupština Kantona Sarajevo

Vlada Kantona Sarajevo

INICIJATIVA

Upućujem inicijativu prema skupštinskoj Komisiji za obilježavanje, čuvanje i njegovanje historijskih događaja i ličnosti, kao i Vladi KS da se jedna ulica, trg ili park u Kantonu Sarajevo imenuje po **Senatoru Bob Dole-u**.

OBRAZLOŽENJE

Senator Bob Dole (1923-2021) bio je jedan je od najpoznatijih američkih političara. U američkom Kongresu proveo je 35 godina. Na predsjedničkim izborima 1976. godine bio je potpredsjednički kandidat Gerald Ford-u a 1996. godine i sam je bio kandidat Republikanske stranke za predsjednika SAD. Tokom svoje karijere obavljao je i dužnost predsjednika Republikanskog nacionalnog komiteta i lidera Republikanske stranke u Senatu. U periodu 1997-2001, Senator Dole obavljao je dužnost predsjednika Međunarodne komisije za nestale osobe. Dobitnik je mnogih prestižnih priznanja za svoj rad, uključujući i Predsjedničku medalju slobode – najprestižniju nagradu koja se dodjeljuje civilima u SAD.

Tokom perioda agresije od 1992 do 1995, Senator Dole je predvodio pro-bosanski blok u američkom Kongresu. Pokazao se izuzetno aktivnim po pitanju lobiranja za vojnu intervenciju u BiH, zaustavljanje rata i očuvanja države BiH. Platformu američkog senatora, Dole je iskoristio da skrene pažnju na događaje u BiH i neumorno lobirao za ukidanje embarga na oružje. U Senatu, je predložio i podržao niz rezolucija i zakona usmjerenim ka ovim ciljevima. Taj pritisak američkog Senata, posebno nakog izglasavanja unilateralnog ukidanja embarga od strane američkog Senata i Predstavničkog doma u ljeto 1995.godine ključni je razlog koji je prisilio tadašnju američku administraciju da se aktivno uključi i zaustavi agresiju na BiH. Senator Dole je u junu 1994. godine posjetio opkoljeno Sarajevo i dao podršku građanima i državi BiH. Dole-ovo predsjedavanje Međunarodnom komisijom za nestale osobe pružilo je značaj kredibilitet ovoj novo-uspostavljenoj instituciji.

Uzimajući u obzir doprinos Senatora Dole-a BiH od 1992 do 1995 a i poslije, predlažem da se ulica, trg ili park u Kantonu Sarajevo nazove po pokojnom Senatoru Bob Dole-u i na taj način očuva sjećanje na ovog velikog prijatelja BiH.

Sarajevo, 25.1.2022.